



Ulloq: 22. juli 2025  
Allaffik: Nordatlantkontoret  
Suli.suliar: Laura Fristrup-Jensen  
Suliap normua: 2025-03716  
Takussutissiaq: 3669140

**Aningaasaatit pigisallu aningaasanik nalillit pillugit  
isumaqatigiissutit inuunnaallu akornanni pisassaqaataalersumik  
neriorsoqatigiinnerit allat pillugit inatsisit assigiinngitsut  
allanngortinneqarnerisa Kalaallit Nunaannut  
atuutilersinneqarnissaat pillugit peqqussut**

UAGUT FREDERIK QULINGAT, Guutip Saammaassineratigut Danmarkip Kunngia,  
uppernarsarparput:

Aningaasaatit pigisallu aningaasanik nalillit pillugit isumaqatigiissutit inuunnaallu akornanni pisassaqaataalersumik neriorsoqatigiinnerit allat pillugit inatsisip aamma inatsisit allat ilaasa allanngortinneqarneri pillugit inatsimmi (atuisutut isumaqatigiissutit ilaanni isumaqatigiissutini piumasaqaatit naleqqutinngitsut) nr. 1098-imi, 21. december 1994-imeersumi § 8, eqqartuussisarermik inatsisip inatsisillu allat allanngortinneqarnerat pillugu inatsimmi (angajoqqaatut akisussaatitaasuuneq pillugu inatsisip malitsigisaanik allanngortitsinerit) nr. 389-imi, 14. juni 1995-imeersumi § 24, imm. 3, eqqartuussisarermik inatsisip, akiliisinnaajunnaarneq pillugu inatsisip, eqqartuussivikkoortumik nalunaarsuineq pillugu inatsisip, aappariinnerup inatsisitigut sunniutai pillugit inatsisip kiisalu inatsisit allat allanngortinneqarneri pillugit inatsimmi (Kingornussassat agguarneqartarneri pillugit inatsisip malitsigisaanik allanngortitsinerit) nr. 385-imi, 22. maj af 1996-imeersumi § 16, imm. 3, atorfinititsinermi immikkut piumasaqaatit pillugit inatsimmi nr. 1565-imi, 15. december 2015-imeersumi § 16, imm. 2, atuisutut isumaqatigiissutit aamma aningaasaatit pigisallu aningaasanik nalillit pillugit isumaqatigiissutit inuunnaallu akornanni pisassaqaataalersumik neriorsoqatigiinnerit allat pillugit inatsisip allanngortinneqarneri pillugit inatsimmi (New Deal for Consumers-imut (nutarterinissaq pillugu

peqquusummut) inatsisiliat ilaasa atortuulersinneqarnissaasa malitsigisaannik allanngortitsinerit aamma malittarisassat atuisunik illersuisut, nutarterinissaq pillugu peqqussutip avataaniittut) nr. 2158-imi, 27. november 2021-imeersumi § 4, imm. 2 malillugit aalajangersarneqarpoq:

## § 1

Aningaasaatit pigisallu aningaasanik nalillit pillugit isumaqatigiissutit inuinnaallu akornanni pisassaqaataalersumik neriorsoqatigiinnerit allat pillugit inatsimmi, inatsimmi nr. 104-imi, 31. marts 1965-imi Kalaallit Nunaannut atuutilersinneqartumi, peqqussutikkut nr. 350-ikkut, 14. juli 1980-imeersukkut allanngortinneqartumi, allanngortitsinerit tulliuttut suliarineqassapput:

**1. § 21, imm. 2-imi oqaaseqatigiit siilliit aamma oqaaseqatigiit aappaat** atorunnaarsinneqassapput, taakkununngalu taarsiullugu ilanngunneqassaaq:

»Eqkartuussiviup erseqqinnerusumik aalajangiinera malillugu akiligassaqarfingeqartut aggeqquneqarnerisa pinnginneranni, Statstidendemi, Atuagagdliutini (AG/Grønlandspostenimi) imaluunniit tusagassiummi allattami allami nalunaarutiginninnerup kingorna, ullup unnuallu naanerani pisinnaatitsissut atorunnaassaaq.«

**2. § 22 ima oqaasertaliorneqassaaq:**

»§ 22. § 32 malillugu, namminersorsinnaanermik inatsimmi § 2 malillugu piginnaatitsissummik tunniussisoq nammineersinnaassusiagaappat, inatsisitigut unioqqtinneqartussaanngitsumik isumaqatigiissusiorneq tassannga namminermiit suliarineqarsimappat, pisinnaatitsissummik pigisaqartumit inatsisitigut unioqqtinneqartussaanngitsumik isumaqatigiissusiornermi inuk pingajuusoq, inummut namminersorsinnaajunnaarsitaasumut inatsisitigut inisisimanermik allamik pissarsissanngilaq. Pisuni taakkunani, inatsisitigut unioqqtinneqartussaanngitsumik isumaqatigiissusiornerup suliarineqarnerani pisinnaatitsissummik pigisaqartoq tamanna pillugu ilisimasaqarsimappat imaluunniit ilisimasaqartariaqarp, taamatut inatsisitigut unioqqtinneqartussaanngitsumik isumaqatigiissusiornerup, pisinnaatitsissut, § 18-imi taaneqartoq taamaattoq malillugu suliarineqarsimappat, inuup pingajuusup nammineersinnaassusiagaaneq ilisimasimappagu imaluunniit ilisimasaqarfingisariaqarpagu, inuup

pingajuusup inummut nammineersinnaassusiiagaasimasumut inatsisitigut  
unioqqutinneqartussaanngitsumik isumaqatigiissusorsimaneq  
illersorsinnaanngilaa.«

**3. § 24 ima oqaasertaliorneqassaaq:**

»§ 24. § 32 malillugu, nammineersorsinnaanermik inatsimmi § 2 malillugu piginnaatitsissummik pigisaqartoq toqusimappat, nammineersinnaassusiiagaasimappat, imaluunniit akiliisinnaajunnaarsimappat, toqusup pigisaanik nakkutilliisumit imaluunniit angajoqqaatut akisussaatitaasumit iliuusissat pisariaqartinneqartut aalajangerneqarnissaasa tungaannut, piginnaatitsissut iluaqutsiullugu piginnaatitsissummik pigisalik, ajunaaruteqarnissamut toqusup pigisaasa imaluunniit inuup nammineersinnaajunnaarsitaasup illersorneqarnissaanut pisariaqartinneqartunik inatsisitigut unioqqutinneqartussaanngitsunik isumaqatigiissusorsinnaavoq.«

**4. § 36, imm. 1-imi, »qaangiinnarneqarsinnaavoq« ima allanngortinneqassaaq: »allanngortinneqarsinnaavoq imaluunniit qaangiinnarneqarsinnaavoq.«**

**5. § 38 atorunnaarsinneqassaaq.**

**6. § 38-p kingorna kapitalitut nutaatut ilanngunneqassaaq:**

»IV. Atuisutut isumaqatigiissutit pillugit malittarisassat immikkut ittut

**§ 38 a. Kapitalimi matumani malittarisassat atuisutut isumaqatigiissutinut atuupput, matumani atuisutut isumaqatigiissutini piumasaqaatit ilanngullugit.**

*Imm. 2. Akuusup aappa (atuisoq) pingaarnertut nammineq inuussutissarsiutimi avataatigut pisiniarnerani, isumaqatigiissut, inuussutissarsiutillip inuussutissarsiornernerminut atatillugu isumaqatigiissutaa, inatsimmi matumani atuisutut isumaqatigiissutit paasineqassaaq. Isumaqatigiissutip atuisutut isumaqatigiissutaannginnera inuussutissarsiutillip uppernarsartussaavaa.*

*Imm. 3. Aammattaaq piumasaqaatit assingi imm. 2-mi taaneqartut ataanni, isumaqatigiissut, inuussutissarsiutilimmit akuusup aappaanut isumaqatigiissutigineqartoq imaluunniit ingerlateqqinnejartoq, atuisutut isumaqatigiissutit isigineqassaaq.*

**§ 38 b.** Isumaqatigiissutip qanoq paasineqarnissaa pillugu nalornisoqalerpat, aamma isumaqatigiisummut piumasaqaat pineqartoq immikkut ittumik isumaqatigiissusiarineqarsimannngippat, piumasaqaat atuisumut iluaqutaanerpaamik nassuiarneqassaaq. Isumaqatigiisummi piumasaqaatip immikkut ittumik isumaqatigiissusiarineqarsimanera, inuussutissarsiutillip uppernarsassavaa.

*Imm. 2.* Allakkatigut isumaqatigiissut, atuisumut neqeroorutigineqartoq, inuussutissarsiutilimmit erseqqissunngorlugu paasinartunngorlugu suliarineqassaaq.

**§ 38 c.** Atuisutut isumaqatigiissutini § 36, imm. 1 atuuppoq. Tamanna niuernermi assuarnaatsumik ileqqunut akerliussappat aamma akuusut pisinnaatitaaffiinut pisussaaffiinullu annertuumik equngasoqarneranik kinguneqassappat, atuisumut ajoquataasumik isumaqatigiisummi piumasaqaatit atuutsinneqarneranni, inatsisitigut sunniutit § 36, imm. 1-imi taaneqartut aamma atuutissapput, tassami taamaattoqarpat, tamannalu perarfissaappat, isumaqatigiissutip sinnerata allanngortinneqarnani atuutsinneqarnissaa atuisup piumasaqaatigisinnaavaa.

*Imm. 2.* Isumaqatigiisummi piumasaqaat, imm. 1-imi oqaaseqatigiit aappaanni ilaatinneqartoq, immikkut ittumik isumaqatigiissusiarineqarsimannngippat, piumasaqaat taamaattoq ilaannakortumik allanngortinneqarsinnaanngilaq imaluunniit qaangiinnarneqarsinnaanngilaq, kisianni tamakkiisumik qaangiinnarneqassalluni.

*Imm. 3.* Pissutsit qanoq pisullu, § 36, imm. 2-mi taaneqartut naliliinermi ilaatinneqannginnerat pillugu allannguineq ilaatillugu, atuisutut isumaqatigiissutini § 36, imm. 2 atuuppoq, matumani isumaqatigiissutini allani piumasaqaatit, isumaqatigiisummut pineqartumut attuumassuteqartut, atuisumut ajoquataasumik kingusinnerusukkut pisut pineranni, isumaqatigiissutip qaangiinnarneqarsinnaannginneranik imaluunniit allanngortinneqarsinnaannginneranik sunniuteqartut eqqarsaatigineqarsinnaanerat ilangullugit.

**§ 38 d.** Kalaallit Nunaata avataani aamma Det Europæiske Økonomiske Samarbejdsområde-imi nunami inatsisiliorneq isumaqatigiisummut atuutissasoq isumaqatigiisummi aalajangerneqarpat, atuisutut isumaqatigiissutini piumasaqaatit naleqqutinngitsut pillugit malittarisassat pillugit apeqqutini, aalajangersagaq taamaattoq atuutinngilaq. Aalajangersagaq taanna peqartinnagu, tamanna pillugu Kalaallit Nunaanni imaluunniit Det Europæiske Økonomiske Samarbejdsområde-ip iluani

inatsisiliorneq isumaqatigiissummut atuutissappat, aamma inatsisiliornerup taassuma atuisoq isumaqatigiissutini piumasaqaatinut naleqqutinngitsunut pitsaanerusumik illersorpagu, tamanna taamaattoq taamaallaat atuutissaq.

**§ 38 e.** Inuussutissarsiutillit isumaqatigiissutini piumasaqaatinik naleqqutinngitsunik atuinersut, aamma § 38 b, imm. 2-mik eqqortitsinersut, Atuisoqarnermut Unammilleqatigiinnermullu Aqutsisoqarfíup nakkutilliiffigissavaa. Tuniniaanissamik nittarsaassisarneq aamma nalunaaqtuersuisarneq pillugu Inatsisartut inatsisaat malillugu nakkutilliineq ingerlanneqassaaq.

**§ 38 f.** Inuussutissarsiutillit piumasaqaatinik tamanut atugassiaasunik erseqqinnerusumik taaneqartunik atuisut, isumaqatigiissuteqartarermik inatsimmi § 38 c malillugu atorneqarnissaat erseqqissumik naleqqutinngitsuusut, akiliisitsissummik pineqaatissiissutigineqarnissaat pilligit, Atuisoqarnermut Unammilleqatigiinnermullu Aqutsisoqarfíummit innersuussinerup kingorna, Inatsiseqarnermut ministeri malittarisassanik aalajangersaasinnaavoq.

*Imm. 2. Aammattaaq ingerlatseqatigiiffiit il.il. (inatsisitigut pisinnaatitaasut pisussaatitaasullu) pinerluttulerinerimi inatsimmi kapitali 5-imi malittarisassat malillugit pinerluttulerineq pillugu inatsiseqartitsineq malillugu akisussaatinneqarneqarnermik naalakkerneqarsinnaanerat pilligit, Inatsiseqarnermut ministeri aammattaaq malittarisassanik aalajangersaasinnaavoq.«*

Tamatuma kingorna kapitali IV kapitali V-nngussaaq.

## § 2

Peqqussut ulloq [...] atuutilissaq.

*Tunniunneqarpoq [...], ulloq [...]*

Kunngisut Atsiorpugut Naqissusiillatalu

FREDERIK R.

/ Peter Hummelgaard

